



本著作以創用CC「姓名標示-非商業性-禁止改作」4.0國際授權條款釋出。  
詳細授權條款，請至 <http://creativecommons.org/licenses/by-nc-nd/4.0/>。  
資料來源：教育部電子報「閱讀趣聞客語」專欄 <http://epaper.edu.tw>。

閩／懷想／☆☆☆★

## 阮欲共老師擲一个讚

佇臺灣北部有一个美麗的所在，叫做淡水；佇美麗的淡水有一間上孃的學校，叫做水源國小；佇上孃的水源國小裡，有世界上讚的老師，就是阮的導師杜老師啦！

阮欲共老師擲一个讚，因為伊講：「人親、塗親、家己的故鄉上蓋親。」所以，學校附近攏有阮做伙行踏的跤跡。上自然課的時，老師𠵿阮去學校後壁的溪仔觀察毛蟹、魚仔恰蝦仔，閣教阮做紀錄。毋但按呢，伊閣𠵿阮擊褲跤蹠溪仔行到水頭。阮才知影遮的水是對大屯山跤的石頭縫漬出來的，莫怪日本人佇 1899 年，就相著遮的好地理，佇遮起造「滬尾自來水廠」，是臺灣第一座淨水場喔！

阮欲共老師擲一个讚，因為伊發明一種無人有的旅行。逐禮拜阮全班攏愛陪一个同學𠵿步輦的轉去，閣順繼去個兜耍。以早便若放學，我攏孤一个人行全款的路，實在真無聊。這馬我心內充滿期待，期待逐禮拜三，會當去無全的所在。這款旅行，毋但奇妙閣趣味。尤其是陪阿翔轉去彼擺，阮家己提樹葉仔飼花鹿，閣相爭恰鹿仔握手。鹿仔真歡喜，敢若真歡迎阮這班喔！

阮欲共老師擲一个讚，因為伊𠵿阮完成一个夢想——去金門畢業旅行。是按怎阮會想欲去生疏的金門咧？彼是因為升六年仔的時，有一个對金門轉來的查某同學。寢頭仔，人攏笑阮：「睏罔睏，莫眠夢。」毋過老師共阮講：「有夢上孃，希望相隨。」伊替阮做臺語歌，鼓勵愛唱歌的阮，家己唱歌出『CD』，閣去淡水碼頭走唱。會記得頭擺表演，一下看著挨挨陣陣的人，阮緊張甲心臟撲撲惱。毋過，當當阮唱出「阮兜蹠佇大屯山邊的水源橋跤，……一兩三四，歡歡喜喜讀冊去，……」一條閣一條阮這班的歌，心內就充滿勇氣恰期待。期待美夢成真，嘛感謝真心付出的老師。

坐佇飛行機頂，看著闊莽莽的臺灣海峽，阮佇心肝底大聲喝：「金門，阮來矣！」杜老師，多謝你！你是阮性命旅途中的貴人，用心予阮有無全款的學習經驗，阮一世人攏欲共你擲一个讚啦！

作者：林淑期

### ☆詞彙學習☆

【行踏】kiānn-tàh：走動。

【蹠】liâu：涉水而行。

【漬】bùn：水湧出來。

【𠵿】kōo：依靠、憑藉某種方式來達到目的。

【步輦】pōo-lián：徒步、步行。

【寢頭仔】tshím-thâu-á：剛開始的時候。